

衢州文獻集成

〔史部〕

第
100
冊

衢州文獻集成

黃靈庚 諸葛慧艷 主編

〔史部〕

第
100
冊

國家圖書館出版社

(清)張德容 撰

岳州救生局志八卷

清光緒元年(1875)刻本

岳州救生局志八卷 提要

清張德容撰。德容字松坪，一字少薇，衢州西安人。咸豐三年進士，欽點翰林院庶吉士。出守安陸、荊州、岳州。所撰有《岳州救生局志》八卷、《二銘草堂金石聚》十六卷、《二銘草堂近科墨選》，傳於今；而《衢州備志》《二銘草堂遺稿》《箋注唐賦》四卷、《評選明文》二卷，今皆不見。因洞庭湖之險，雍正九年始於湖中沙州築臺以爲舟船停泊，乾隆二年沿湖設船，其後又造大船、添水手，至咸豐之際爲兵燹所毀。咸豐十一年復救生局之設，同治四年告成，同治十二年再加修復。此書主要記載咸豐十一年至光緒元年岳州救生局設置詳情，文凡八卷，文件、章程、銀捐、錢捐、典息、契據各一卷，末爲圖考二卷。張氏首敘此書編撰原委，弁諸卷前；文件案牘多檢銀錢定章者，以歸簡要；章程則取同治十二、十三兩年先後奉飭詳定者，以備遵循；歷年捐款以銀、錢分別，並將存、銷款目逐項詳注，以免歧混；歷年發典銀款按年月登載，又將生息銀數分注總結，以期明晰；歷年收置田房山業按年月照錄原契，並將丘畝糧課價值摘開目錄，以便查考；圖繪田房山業丘畝處所弓丈，並將坐落

處所丘畝斗石暨業戶姓名、租穀數目詳細登注，以杜欺侵。德容撰寫此作，雖爲釐訂救生局而作，但對研究岳州地方社會史有較高文獻價值。此書據光緒元年刻本影印。

第一〇〇冊目錄

岳州救生局志八卷

(清)張德容 撰

清光緒元年(1875)刻本

..... 一

鳳梧書院藏書目一卷

(清)張炤 編

清光緒二十五年(1899)刻本

..... 六二一

紅梅閣書目一卷


(清)劉履芬 撰

清稿本

..... 七九五

岳州救生局志八卷

岳州救生局志



生 岳
局 州
志 救

光緒元年仲冬
岳州救生局棧

岳州救生局總序

洞庭之險聞於天下岳州救生船之設蓋莫大之善舉所以
廣

皇仁而普利濟也惟視奉行之者何如耳伏稽雍正九年

世宗憲皇帝俯念行旅往來風波之險而思登之衽席之安發水利
平餘銀二十萬兩命督撫大臣於舵桿洲建築石臺以爲舟
船停泊之所此

大聖人如天之仁當時雖未命造船而實救生之權輿也乾隆二年
制軍高公 奏於沿湖設船十六隻 史公又 奏於舵
桿洲添船十二隻實爲救生船之始及乾隆九年石臺基圯

勢難修復於是 中丞蔣公 奏明停止石臺工程而專辦
救生船隻岳守黃凝道以舊船短小不能冒浪衝風稟請改
造大船添設水手經 蔣公 奏奉

允准分員管轄歲支工食君山鰲山龍迴嘴布袋口舵桿洲九馬嘴
萬石湖磊石共爲船八岳同知轄焉岳陽門南津港鹿角劉
公磯城陵磯荊河口白螺磯楊陵磯共爲船八巴陵縣轄焉
傅家磯黃牯灘爲船二華容縣轄焉迨至咸豐兵燹之際爲
匪所毀今 宮保丁公稚黃守岳州而浙江衢州鎮 劉公
祝庭時統水師在岳州防堵因商與各倡捐銀千兩以復救
生船隻而勞大令銘勛亦由臨湘茶商勸捐銀錢合二千餘

串並請

前中丞惲飭下常澧湘潭等處廣爲勸諭而

中丞惲 方伯石 觀察彭並各捐銀兩復查明各屬舊設
救生船額支銀數歸併一款又借支四年工食發商生息於
是陶守壽玉賴守史直相繼辦理督同巴陵翟令宗發選派
紳士妥議章程由是而額支捐款租穀草洲釐金等費局紳
知事舵工水手諸人各就緒焉經始於咸豐十一年而告成
於同治四年蓋舉辦若斯之不易也然而行之數年漸以怠
忽浸致有名無實甚至諸弊叢生是誰之過歟同治十二年
前方伯吳

長沙縣志卷之五
二
今方伯涂 聞人言之藉藉也於是委裴丞秉文會同德容
查明稟復改爲員紳兼用取舊章重加釐訂詳請

兩院核發遵行以岳州爲總局而定其司事之人酌其薪水
之數並廣其經費之資無不悉心經畫焉凡以除弊興利甚
盛意也乃委李令玉森楊令鴻鼎次第來岳辦理整頓二年
稍有端緒而容與有督辦之責茲奉令刊刻章程以垂永久
竊意以爲從來良法美意要在奉行之得其人倘不能以實
心行實政則雖章程備具盡美盡善亦祇爲徒法而已前車
之鑒取則不遠是不特無以對

上憲廣

皇仁而普利濟之心并不可以自問其心也因敘其顛末如此願
與共事諸君勉之焉

光緒元年二月知岳州府事張德容謹序

凡例

一丁宮保劉鎮軍捐資倡議事雖因前實同創始當時守令紳士等籌辦一切備殫心力今經重加整頓所有從前條章雖因節省經費不能一律刊刻亦未便概置不論謹爲總敘一篇弁諸簡端以詳原委

一救生船隻以及經費各項歷經

各大憲悉心籌畫所有一切文件理應備載惟因案牘繁多檢其有關銀錢定章者彙成一冊以歸簡要

一章程條規因時制宜茲將同治十二三兩年先後奉飭詳定者共四十八則敬謹刊刻以備遵循